

抄本  
138  
部=13

卷二十七

名宦傳二

卷二十八

名宦傳三

卷二十九

封爵表



續修廬州府志卷二十七

花翎道銜江南安徽廬州府知府清泉黃 雲總修

名宦傳二

三國魏 以下屯駐將帥

張遼字文遠雁門馬邑人也爲盪寇將軍封都亭侯使與樂進李典等將七千餘人屯合肥太祖征張魯教與護軍薛悌署函邊曰賊至乃發俄而權率十萬眾圍合肥乃共發教曰若孫權至者張李將軍出戰樂將軍守護軍勿得與戰諸將皆疑遼曰公遠征在外比救至彼破我必矣是以教指及其未合逆擊之折其盛勢以安眾心然後可守也成敗之機在此一戰諸君何疑李典

續修廬州府志

卷二十七

名宦傳二

一

亦與遼同於是遼夜募敢從之人得八百人椎牛饗將士明日大戰平旦遼披甲持戟先登陷陣殺數十人斬二將大呼自名衝壘入至權麾下權大驚眾不知所爲走登高冢以長戟自守遼叱權下戰權不敢動望見遼所將眾少乃聚圍遼數重遼左右麾圍直前急擊圍開遼將麾下數十人得出餘眾號呼曰將軍棄我乎遼復還突圍拔出餘眾權人馬皆披靡無敢當者自旦戰至日中吳人奪氣還修守備眾心乃安諸將咸服權守合肥十餘日城不可拔乃引退遼率諸軍追擊幾獲權太祖大壯遼拜征東將軍建安二十一年太祖復征孫權到合肥循行遼戰處歎息者良久乃增遼兵多畱諸軍

徙屯居巢文帝卽王位遣遼還屯合肥進遼爵都鄉侯  
文帝踐阼封晉陽侯增邑千戶并前二千六百戶

三國志

李典字曼成山陽鉅野人爲破虜將軍與張遼樂進屯  
合肥孫權率眾圍之遼欲奉教出戰以典素與不睦恐  
其不從典以公義率眾與遼破走權增邑百戶典好學  
貴儒雅不與諸將爭功敬賢士大夫恂恂若不及軍中  
稱爲長者

三國志

吳

朱桓字休穆吳郡吳人也爲濡須督黃武元年魏使大  
司馬曹仁步騎數萬向濡須時桓所部兵在者五千人  
諸將懼恒曰勝負在將不在眾寡今仁千里步涉人馬

續修廬州府志

卷二十七

名宦傳二

二

罷困桓與諸君共據高城南臨大江北背山陵以逸待  
勞爲主制客此百戰百勝之勢因外示虛弱以誘致仁  
大敗之以功封嘉興侯

三國志

宋

呂祉字安老建州建陽人紹興七年遷兵部尙書陞督  
府叅謀軍事往淮西撫諭諸軍張浚以劉光世持不戰  
之論罷之乃命行營左護軍前統制王德爲都統制又  
以統制官酈瓊爲之副瓊與德素不協祉還朝瓊與德  
交訟於都督府及御史臺乃命德還建康以其軍隸督  
府八月復命祉往廬州節制之祉至廬州瓊等復訟德  
祉乃密奏乞罷瓊爲瓊所執統制官張璟及兵馬鈐轄

喬仲福統制劉永衡皆死之瓊遂率軍四萬人降劉豫  
擁社次三塔距淮三十里社下馬曰劉豫逆臣我豈可  
見之眾逼社上馬社罵曰死則死於此又語其眾曰劉  
豫逆臣爾軍中豈無英雄乃隨酈瓊去乎眾頗感動凡  
千餘人環立不行瓊恐搖動眾心急策馬先渡社遇害  
時有得社括髮之帛歸吳中者其妻吳氏持帛自縊以  
徇聞者哀之慶元間詔立廟賜額以旌其忠

宋史

李顯忠綏德青澗人也初名世輔賜名顯忠爲招撫前  
軍都統制兀朮犯合肥手詔以軍與張俊會顯忠至孔  
城鎮與敵戰敗之兀朮謂韓常曰此人敢勇宜且避之  
乃焚廬江而走車駕至平江顯忠選銳士萬人渡江盡

續修廬州府志

卷二十七

名宦傳二

三

復淮西州郡

宋史

王德字子華通遠軍熟羊砦人以武勇應募隸熙帥姚  
古紹興元年遷中亮大夫同州觀察使六年冬劉豫分  
道入寇楊沂中張宗顏田師中及德等分兵禦之大敗  
覘兵於藕塘七年改熙河蘭廓路副總管行營左護軍  
都統制駐師合肥八年命隸張俊名其軍曰銳勝十年  
策功封隴西郡侯十一年金人自合肥入侵游騎及江  
俊議分軍守南岸德曰淮者江之蔽也棄淮不守是謂  
唇亡齒寒也敵數千里遠來餉道決不繼及其未濟急  
擊之可以奪氣若遲之使稍安則淮非吾有矣俊猶豫  
未許德請益堅曰願父子先越江俟和州下然後宣撫

北渡俊乃許德卽渡采石俊督兵繼之宿江中德曰明  
旦當會食歷陽已而夜拔和州晨迎俊入敵退保昭關  
又擊走之追至柘臯與金人夾河而軍諸將帥皆集惟  
張俊後至統制田師中欲待之德怒曰事當機會復何  
待徑上馬兀朮以鐵騎十餘萬夾道而陣德曰賊右陣  
堅我當先擊之麾軍渡橋首犯其鋒一酋被甲躍馬始  
出德引弓一發而斃乘勝大呼令萬兵持長斧如墻而  
進敵大敗退屯紫金山德復尾擊之劉錡謂德曰昔聞  
公威畧如神今果見之請以兄禮事召拜清遠軍節度  
使建康駐劄御前諸軍都統制歷浙東福建總管荆南  
副都統制卒贈檢校少保再贈少傅二子琪順亦以驍

勇聞

宋史

姚興相州人紹興三十一年金人渝盟興隸都統王權  
麾下過金兵五百騎於廬州之定林卻之初金主亮在  
壽春江淮制置使劉錡命權將兵迎敵權怯懦不進錡  
督戰益急權不得已守廬州及金兵渡淮權遣興拒之  
而權退保和州興與金人遇於尉子橋金人以鐵騎進  
興麾兵力戰手殺數百人金人立權旗幟以悞興興往  
奔之父子俱死事聞贈容州觀察使卽其砦立廟旣復  
淮西又立廟戰所額旌忠開禧元年侍郎趙善堅言姚  
興以四百騎當金人十數萬自辰至午戰數十合援兵  
不至金人謂曰有如興者十輩吾屬敢前乎忠勇如此

宜加爵謚賜諡忠毅宋史

國朝

呂賢基字鶴田安徽旌德人生有志性秉正嫉邪申道光十五年進士選庶吉士授編修十七年分校順天鄉試二十二年授御史請申禁各省加派勒捐之弊遷給事中二十三年轉掌印給事中丁父憂二十六年起補禮科給事中明年掌吏科印以河南旱災方籌辦賑恤疏請將江南捐輸米改撥豫省賑災允之巡視東城時江西安徽湖北水災

詔發帑賑恤賢基疏言辦賑之弊莫如造冊稽延定例水旱成

災督撫疏報卽先給饑民一月口糧再查被災輕重分

續修廬州府志

卷二十七

名宦傳二

五

別給賑應請下所司遵照定例一面查取戶口一面放賑無論極貧次貧均令先沾實惠俟冊籍已定卽於限內具題加賑日期務與初賑接續毋許間斷至戶口或有開除續增隨時具報有任意延緩者嚴參疏入議行

命稽察西倉三十年正月

文宗御極賢基應

詔陳言遷鴻臚寺卿咸豐元年擢工部左侍郎典浙江鄉試二年兼署刑部左侍郎賢基尋以粵匪河工度支漕運事

事可危疏請下

詔求直言得

優旨八月充順天鄉試副考官署工部侍郎充覆試閱卷大臣  
三年正月以粵匪稔亂

命赴安徽會同蔣文慶周天爵辦理團練防剿事宜賢基奏請  
飭部撥帑備用並請帶員前往幫辦時湖北賊匪由英山犯太  
湖竄出洪家埠奪船旋竄踞安慶分股由清涼庵至十  
里館犯集賢關兵勇接戰失利游擊賡音太伍登庸死  
之遂由集賢關犯桐城邑紳馬三俊等率勇迎敵敗潰  
桐城陷賢基方駐舒城誓死守率父老登城未幾城陷  
力竭死難僚屬及幕佐皆殉巡撫江忠源疏聞

論曰呂賢基由翰林科道游升京卿朕因其品學兼優超擢侍  
郎令其回籍督辦團練該侍郎年力正強方資倚畀乃以逆  
續修廬州府志 卷二十七 名宦傳二 六  
匪竄擾舒城捐軀盡節悼惜殊深可追贈尚書銜照尚書例  
賜卹其子編修呂錦文服闋後以侍讀陞用所有隨員幕友  
盡節姓名均查明請卹又

論曰贈尚書銜侍郎呂賢基素懷忠義大節無虧可於舒城建  
立專祠以慰忠魂而光卹典並賞內庫銀三千兩交呂錦文  
祇領赴安徽扶柩回籍治喪尋

賜祭葬

予謚文節並入祀京師及本籍昭忠祠八年復入祀鄉賢祠賢  
基力崇正學行身植志不少苟其出治團防也自知不

返別母行痛哭不能起

先正  
事畧

附刑部主事朱麟祺六合人經呂賢基奏帶安徽辦團

咸豐三年九月在桐城大關血戰陣亡奉

旨照知府陣亡例優卹同治十一年內閣學士宋晉奏請

予謚並附祀呂賢基祠

奏案采訪冊

李續賓字克惠號迪庵湖南湘鄉人自幼讀書端凝沉毅寡言笑身長七尺膂力過人習騎射能挽三石弓羅澤南時講學里中續賓折節受學倡辦團練咸豐三年澤南募勇殺賊續賓奉父登勝命往佐之所練鄉兵號湘勇從平桂東土匪三年粵賊圍江西行省奉侍郎曾國藩檄偕澤南往援佐文生謝邦翰將右營邦翰字夢草爲羅門弟子抵江西戰死續賓代將其營稱湘右營會寇陷太和安福圍吉安遂同解吉安圍復馳剿永新

續修廬州府志

卷二十七

名宦傳二

七

議敘從九品師旋假歸甫三日趨衡州剿賊油榨墟進復永興次郴州敘功進縣丞所部僅三百六十人至是巡撫駱秉章增爲五百人平常甯土匪時湘潭賊敗竄曾軍東下續賓亦從征六月抵岳州壁大橋湘軍兩營千人分防八路賊日夜來犯提督塔齊布約會攻賊巢兵始交小卻賊追騎大至續賓左右止數十人戒曰毋走徐行陟山岡賊不敢逼軍漸集乃親搏戰斬大旂賊數人餘賊爭登山續賓手劍策馬大呼而進斬賊目一人奪其旂追北十餘里連旬戰賊不得擄掠食且盡乘機薄其壘風雨驟至眾欲退續賓曰天助我也與塔齊布並轡督戰頃刻破數十壘岳州平擢藍翎知縣克武



昌擢花翎直隸州知州九月同克興國州進攻半壁山賊巢時湖北兩岸賊十萬鐵鎖橫江舟艦聚數十里塔軍抵富池口阻浮橋未至湘勇及寶勇僅三千六百人軍中懼而逃者三人飛騎追還斬之軍心乃固逾日大戰殺賊數千赭其巢遂破田家鎮擢知府

賞摯勇巴圖魯名號授安慶知府自是知兵之名震天下初陸

師分南北進剿總督楊需剿北岸續賓隨塔羅二軍剿南岸曾國藩督水師循江下駛偽將羅大綱守廣濟黃梅設卡壘數十田鎮破後偽渠秦曰綱陳玉城皆往附之勢張甚總督不能前塔羅渡江北剿續賓爲軍鋒每攻壘與塔公逼賊壘十餘丈席地坐礮彈如雨談笑自

續修廬州府志 卷二十七 名宦傳 八

若忽躍起曰進則橫厲無前遂復廣濟及黃梅敗賊濯港再敗賊孔壠驛抵湖口移營盩山水師前隊陷入彭蠡湖外江師船失利湘軍退回九江續賓憤自率千餘人以歲除前一日渡江攻小池口偽城因眾寡懸殊戰不克曾軍入江西饒廣告急檄湘軍援饒州師抵章門則饒匪已陷弋陽三月偕羅營進剿敗賊大木橋復弋陽城賊趨陷廣信追擊之三日而城復移軍景德鎮會義甯州陷進攻義甯奪鰲嶺賊隘賊棄州城遁得

旨記名以道員用八月隨羅澤南回援武漢克通城崇陽岳州

警報至續賓分兵趨蒲圻之羊樓崗李杏春彭三元戰死於崇陽之壕頭堡明日賊大至我軍憑壘守比暮賊

將休揮眾突之賊大潰追北至蒲圻翼日復其城並復咸甯

詔加鹽運使銜帥師趨武昌壁洪山破塘角賊壘分壁小龜山與劉騰鴻扼窯灣斬馘數千羅澤南中礮卒賊乘機築壘保安門外湖北巡撫胡林翼奏以續賓總統諸軍遂掃平保安門賊壘賊出城來犯屢敗之秋七月偽酋石達開率援賊大至城賊將應之續賓分兵駐魯家港防援賊遣壯士數百人執所奪黃旗誘城賊賊信援至出城夾擊伏起殲馘過半及援賊既至禦之魯家港鏖戰三日城賊鑑前失疑懼不敢出援賊遂敗奔追至小龜山斬首八百又募民夫開濠掘江水入湖爲長圍斷城續修廬州府志卷二十七名宦傳二九賊接濟賊益困武昌復得

旨以按察使用尋分兵追剿克武昌渡江克黃州旋渡江克大治興國直搗九江林啟榮者賊中最悍酋也率眾死守續賓用攻武昌法關濠困之賊出城阻截閱數月濠始成賊由皖上犯蘄州及黃梅羅田續賓分兵援蘄賊稍退旋傾巢上犯蘄黃告急賊於廣濟董司牌築壘亟渡江剿平之又破小池口僞城仍回九江會袁吉瑞臨以次皆復續賓謂九江賊恃湖口相犄角定計水陸夾攻湖口九月八日遣弟續宜率馬步軍攻梅家洲僞城躬率師揚言剿宿松漏四下迂道八里江伏湖口後山士卒皆捫蘿上犁旦水師分三路攻賊賊方悉銳拒續賓

率師從山椒破空下賊大驚遂盡殲其眾湖口立復梅家洲賊棄城遁於是內外水師始會合乘勝復彭澤夷小姑狀僞城得

旨除浙江布政使返九江適臨江逸賊竄興國冒雪遣兵往援擊走之八年春水陸晝夜攻九江賊守益堅續賓令壯士數百人擁盾自蔽先夕伏城濠未幾地雷復發勇自濠內奮呼登城城立復殄賊數萬無脫者九江平

詔加巡撫銜

賞穿黃馬褂許專摺奏事方九江之破也續宜方率師攻麻城未合圍續賓以九江師益之賊酋陳玉城由安慶糾潛太英霍賊分擾蘄黃又間道陷黃安續宜分兵馳援不

續修廬州府志

卷二十七

名宦傳二

十

下續賓聞警取道黃陂夾擊敗賊黃安門外賊遁乃還鄂時皖中糜爛奉

命越境剿皖

詔將軍都興阿總兵鮑超率馬步軍由宿松趨安慶續賓由英山趨太湖帥八千人啟行議者謂出境剿賊宜益兵爲四翼各三四千人而白帥中軍五路並進續賓以餽餉難之議者又謂宜調鄂中守礪勇以換畱防九江彭澤之湘軍六千人隨同剿皖續賓以更調需時日卽率守礪勇以行抵太湖適署皖撫李孟羣師潰廬州

諭續賓及將軍都興阿改道援廬因與諸將議曰由太湖救廬凡數百里廬已陷師至緩不能濟急決計取太湖掃蕩

桐舒等縣直趨廬州八月克楓香驛小池驛賊巢復太湖乘勝復潛山遂進擣三河集三河集者水陸之衝途廬州之要害也賊築城傅以磚壘九憑河設險悍賊數萬守之用屯聚米糧軍火以接濟廬州及金陵賊營三河破然後可進規廬州續賓自克桐城後令總兵趙克彰率六營守之又令副將謝永祜守舒城於是所部僅五千人九月二十八日抵三河十月二日破賊九壘斬馘數千計僞渠陳玉城自江浦六合率大隊來援僞渠李秀成自廬州糾捻匪來援眾十萬連營金牛鎮白石山等處諸將議退守桐城續賓曰軍事有進無退遂飛檄九江桐城各防軍來援初九日援賊蝟集明日派軍

迎擊至黎家渡突遇大隊賊天大霧賊用馬隊包抄軍相繼潰副將劉神山叅將彭友勝游擊胡廷槐鄒玉堂杜廷光等戰死方傳令軍中嚴守牆壘無何各壘皆破運同丁銳義馳入湘右營誓同死守或勸突圍出圖再振續賓曰軍興九年皆以退走損國威長寇志吾當縱橫血戰多殺一賊卽爲國多除一害日暮賊攻甚急續賓上馬開壁馳擊殺賊數百人夜二鼓總兵李續燾副將彭祥瑞率其屬越壘衝出賊遂踞其壘決河隄斷全軍去路續賓知事不可爲具衣冠望

北關叩首取所奉

廷旨及

殊批奏摺焚之曰不可使

宸翰辱賊手乃躍馬出營衝入賊陣血戰竟日身被重創見黃  
旂知爲賊渠曰此吾畢命處也馳入死之同知曾國華  
何裕知府何忠駿知州王揆一同知董容方知縣楊德  
閏縣丞李續藝張溥訓導萬解源吳立蓉皆殉焉道員  
孫守信與丁銳義猶激厲士卒死守中右營至十二日  
營陷皆死之事聞

上震悼

手敕曰詳覽奏牘不覺隕涕惜我良將不克令終尙冀忠靈不  
昧再生申甫以佐子也又

詔曰李續賓當賊犯長沙時首倡團練自後赴援江西湖北安

續修廬州府志

卷二十七

名宦傳二

十三

徽等省皆親歷行間身先士卒七年中先後克復四十餘城  
大小六百戰所向無前一時諸將中無與倫比朕以其威望  
素著特命幫辦安徽軍務方冀肅清皖北淨掃狂氛乃因進  
圖廬郡先剿三河苦戰旬餘殺賊逾萬適江浦六合廬江逆  
黨大股來援以五千兵勇當十萬之賊將士傷亡從容赴義  
其忠勇義烈之氣雖死猶生實深悼惜其加贈總督卽照總  
督陣亡例賜卹入祀昭忠祠其父登勝可給一品封典並賞  
銀五百兩子光允光令賞舉人服闋後送部引見並於湖北  
江西安徽湖南湘鄉各建專祠事蹟宣付史館以示朕哀恤  
蓋臣至意尋

賜祭葬

予謚忠武續賓卒年四十一舒城難民覓其遺骸送霍山大營  
同治元年奉

詔湖南巡撫遣官卽家

賜祭三年克復金陵

賞二等輕車都尉

先正事略  
胡文忠公集

曾國華字溫甫湖南湘鄉人監生候選同知咸豐六年  
湖北巡撫胡林翼奏令統領劉騰鴻吳坤修等軍援救  
江西攻克咸甯等六縣軍抵瑞州江西湖南聲息始通  
旋丁本生父憂偕同母兄國藩自軍中還湘八年二月  
降服期滿出抵李續賓軍中從克麻城黃安入皖連下  
四城十月十日以不肯退師從續賓殉難三河

求闕齋  
文鈔

續修廬州府志

卷二十七

名宦傳二

十三

郵贈太僕寺卿銜世襲騎都尉

特謚忠愍金陵克復加

恩賞加一雲騎尉

通志

和春字雨亭赫舍里氏滿洲正黃旗人由前鋒藍翎長  
洊授永綏協副將咸豐初剿賊廣西湖南湖北江南三  
年擢江南提督

命分帶官兵赴廬州會剿四年營三星岡百道環攻廬州府城  
至五年十月克之進攻巢縣拔賊三卡六年進剿三河  
復舒城擊敗懷遠捻匪分兵剿宿州克湖墅擊退無爲  
援賊平于家集陣斬捻首王鳳林克三河殲擒八千餘  
名進攻廬江克之是年

命爲欽差大臣馳赴丹陽督辦江南軍務至十年四月在常州督兵剿賊中槍傷卒於軍照將軍例

賜卹諡忠武世襲騎都尉兼一雲騎尉併爲二等男爵附祀江

甯將軍祥厚等昭忠祠

史館鈔傳

鄭魁士宣化人由行伍積功至總兵隨提督向榮追賊江南咸豐三年奉

旨督兵皖北迭克廬州三河巢縣廬江各處補壽春鎮總兵

賞頭品頂戴沙拉瑪該巴圖魯勇號剿賊懷遠受傷

賞藥醫治旋擢浙江提督歷辦安徽甯國江蘇東壩軍務同治

初督隊協剿直東署直隸提督因傷發回籍病故魁士治軍皖省每獨當一面驍勇絕倫其馭眾恤兵仁嚴並

續修廬州府志

卷二十七

名宦傳二

十四

濟子永祥浙江遊擊隨軍擊賊歿於廬州營次十二年

奉

旨鄭魁士著交部議卹並加恩予諡

李鴻章奏案

黃國堯字聰軒乾州廳人居廳東喜鵲營汛城少沈毅

有識畧道光二十七年冬苗匪楊貴倡亂三廳戒嚴時

汛兵調出過半民情洶懼推爲團長練鄉丁助守禦國

堯以兵法部署之村民避亂者爭攜家入汛城明年三

月事定遂入伍隸鎮溪營從征新甯李沅發以功得六

品銜咸豐三年侍郎曾國藩治水軍於衡州調充水師

營隊長從克湘潭復岳州得藍翎克武漢叙把總田家

鎮之捷晉千總水師入鄱湖國堯在江西每戰必多燔

逆艘明年羅澤南以湘軍克弋陽廣信國堯帥戰舟助  
剿遷守備副將周鳳山師潰於臨江湖口諸軍回援南  
康爲賊踞水師復南康擢花翎都司以樸勇見知於統  
帥彭玉麟會皖北賊氛熾當事疏稱無水師不能制賊  
命而水師莫善於湖南請

敕湘軍選將領馳赴巢湖治戰艦創立水軍有

詔趣行彭玉麟問孰敢往國堯請行遂以之應

詔七年夏率匠繞道蘇浙出東壩從蕪湖渡江間關抵廬州謁  
巡撫福濟慷慨陳時務越五月舟師成名曰巢湖水師  
盡破瀕湖賊壘以功晉游擊八年夏福濟以病告歸廬  
州受敵衝客兵萬人饜奇緹兵屢鼓噪當巡撫更代時

續修廬州府志

卷二十七

名宦傳二

五

軍心益不固國堯深以爲憂屢言諸廬州知府馬新貽  
七月中知府延入城計事書日三至或尼行國堯曰公  
事曷敢避難遂駕小舟帥水勇十三人赴之水寨距城  
八十里詰旦入郡城南會議戰守事茗尙温忽報賊入  
城知府請避入民舍國堯不可急上馬帥從兵出當賊  
當是時賊驟入殺人火四起人馬騰蹕突遇國堯巷戰  
奮呼殺賊手刃數人賊疑中伏稍披靡而後繼不至賊  
環擊之回顧從卒僅存徐福田玉清兩人揮令去躍下  
馬手擒一巨酋口嚙其面血如注曰吾且生啗汝賊黨  
叢刺之遂遇害年四十有三徐福歸水寨國堯從子兆  
槐密約水陸各營期復城而陸軍先潰走賊塞肥水舟



師困巢湖無出路乃沈礮焚舟而散同治元年四月官軍克復廬州彭玉麟得國堯死事狀牒總督曾國藩具疏請卹

旨贈參將

賞雲騎尉世職入祀湖口昭忠祠

奏案

多隆阿字禮堂呼爾拉特氏滿洲正白旗人黑龍江駐防前鋒驍騎校從征河南洊升協領帶兵湖北剿賊疊著戰功咸豐八年同都興阿克復安徽太湖縣城破石牌踞匪進剿安慶毀北門外各逆壘會合今提督鮑超敗賊於花涼亭九年授福州副都統再破賊石牌十年同鮑超平地靈港兩岸賊壘十一年駐高路鋪擊走逆續修廬州府志

卷二十七

名宦傳二

六

渠林紹璋等

命幫辦官文胡林翼軍務擊敗挂車河天林莊及集賢關踞賊毀江家橋等處賊壘派兵堵剿馬鞍山分攻蔣家山高河鋪之賊均敗之八月克復省城

賞給雲騎尉世職九月攻克桐城補授正紅旗蒙古都統尋授荊州將軍仍辦理江北安徽軍務同治元年四月攻克廬州府城逆酋陳玉城伏誅

賞給騎都尉世職五月

命督辦陝西軍務克紫荆關毫穎捻逆西趨率師擊敗之殲戮殆盡

授爲欽差大臣督辦陝西軍務二年調西安將軍削平同朝一

帶回巢分兵解鳳翔圍三年攻拔盩厔縣城身受槍傷  
卒於軍奉

旨贈太子太保照將軍陣亡例優卹賞給一等輕車都尉世職  
入祀京師昭忠祠立功省分建立專祠

予謚忠勇七月

上以江甯克復追念死事諸臣復

賞加一雲騎尉世職併爲一等男爵子雙全襲史館鈔  
傳通志

江忠信湖南新甯人從族兄忠源剿賊湖南北果敢善  
戰勇冠一軍積功洊擢千總咸豐三年自湖北援忠源  
於廬州與同知劉長佑鎮將音德布會師敗賊於西平  
門外又與戴文蘭艾延暉以楚勇百五十人各懷巨鏹

續修廬州府志

卷二十七

名宦傳二

七

二夜叩城入賴以接濟嗣從征皖鄂以功擢至副將六  
年從總兵鄭魁士攻桐城攻三河賊壘垂破中礮死之

憫忠草廬  
州戰守記

何朝亮廣東香山人安徽撫標守備洊升壽春中營游  
擊歷護總兵咸豐三年冬隨巡撫江忠源守廬州剿鳳  
陽巢縣賊股四年從提督和春剿賊廬州攻城奪隘五  
年六月和春督攻北關爲賊所困朝亮帶隊奮擊深入  
賊衝力竭陣亡經和春奏准

予卹並建專祠同治七年給事中潘斯濂疏請

賜謚飭下巡撫覆奏於十一年十二月

賜謚勇烈英翰  
奏案

伍成功臨桂人安徽知府嘗充巡撫行營統帶官咸豐三年廬州陷督戰陣亡奉

旨卹廕如制採訪冊

呢阿布西安協領咸豐七年在巢縣東關帶兵擊賊血戰陣亡照副都統例

賜卹予謚祀昭忠祠世襲騎都尉福濟奏案部文

唐以下郡守

朱敬則字少連亳州永城人以孝義世被旌顯敬則志尚恢博好學重節義高宗聞其名召見異之除右補闕武后稱制出為鄭州刺史改廬州代還無淮南一物所乘止一馬子曹步從以歸卒年七十五敬則與三從昆

續修廬州府志 卷二十七 名宦傳二 六

弟居四十年貲產無異及執政每以用人為先細務不

省也唐書列傳

韋岳子武后時為汝州司馬以辨治稱召授尚舍奉御入見后賞其能歷廬海等州刺史皆著風迹恩嚴兩施

唐書

李粵字伯高擢制科遷南淮令大水他縣饑人至相屬粵為具餐鬻及去糗糧送之史為立碑安祿山亂粵客清河為乞師於平原太守顏真卿一郡獲全歷廬州刺

史唐書

賈深秘書少監廬州刺史有文武才略忠於王室推心

馭下嘉績升聞李華崔公德政碑

鄧景山曹州人本以文吏進累至監察御史至德初擢拜青齊節度使徙淮南爲政簡肅諡曰敬

唐書

崔圓字有裕貝州武城人開元中以鈐謀對策甲科歷京兆府參軍遷劔南節度左司馬知畱後乾元元年罷爲太子少師畱守東都以治行稱徙淮南節度使在鎮六年請朝京師吏民乞畱詔檢校尙書右僕射還之

唐書

張萬福魏川元城人學騎射從征遼東有功攝壽州刺史舒廬壽都團練使州送租賦詣都至頴爲盜所奪萬福領輕兵尾襲賊倉卒不得戰悉擒之盡得所亡並先掠人妻女財畜萬計還其家不能自致者給舟車以遣

續修廬州府志

卷二十七

名宦傳二

九

窮破株黨李正巳反德宗以萬福爲濠州刺史謂曰江淮草木亦知爾威名召圖形凌煙閣以工部尙書致仕

唐書

張建封字本立鄧州南陽人少善文章能辯論慷慨尙氣自許以功名顯轉運使劉晏表爲判官擢監察御史李希烈跋扈不臣壽州刺史崔昭與相聞德宗召宰相選代昭者盧杞倉卒不暇取它吏卽白用建封進兼御史大夫濠壽廬觀察使是時四方尙多故乃繕陴隍益治兵四鄙附悅希烈使驃帥悍卒來戰建封皆沮衄之賊平進封階卒年六十贈司徒

唐書

羅珣越州會稽人寶應初詣闕上書授太常寺大祝擢

廬江刺史民間病者捨醫藥禱淫祀珣下令止之修學宮政教簡易有芝草白雀淮南節度使社佑上治狀賜金紫服再遷京兆尹徙太子賓客累封襄陽縣男卒諡

曰夷唐書

李翱字習之中進士第元和初為國子博士史館修撰翱性峭鯁論議無所屈宰相李逢吉表為廬州刺史時州旱遂疫逋捐係路亡籍口四萬權豪賤市田屋牟厚利而窶戶仍輸賦翱下教使以田占租無得隱收豪室稅萬二千緡貧弱以安後歷遷節度使卒諡曰文唐書路應求字從眾用大臣子謹飭拜尚書兵部郎中兼御史中丞淮南軍司馬改刺廬州又饑其城人不歲苦入

續修廬州府志 卷二十七 名宦傳二

三

為尚書職方郎中其為州逢水旱喜賤出與人歲熟以其得收常有贏利故所在人不病饑而官府畜積韓愈路公

神道碑 案路應求新唐書附其傳於路嗣恭傳後作路應舊志作應求

殷祐為廬州刺史在官以寬信廉明著聞歲會課第甲

於他州擢鄭州刺史白居易長慶集 明隆慶志作劉佑存考

竇君佚其名扶風人廬州刺史沒於任梁補闕肅為東都畱守祭竇廬州文云年月日具官某謹以清酌之奠祭於故廬州刺史扶風竇公之靈嗚呼惟天難諶惟命罕言倚伏同城吉凶一門公之茂行廉直而溫公之達才卓爾不羣保身以正為政以仁宜錫難老以庇斯民如何降凶奄忽反真伊昔登朝厥猷則茂柱下執法南

宮草奏赤縣浩穰四方輻輳惟公下車善政俄報廬江  
曠守人或未康惠君既來美化洋洋治而有禮俾人知  
方予忝廉聞實知循良將以上聞冀殊寵章命之不淑  
曾是隕喪嗚呼哀哉追想曩昔接公周旋惠好斯存如  
蘭如荃問者睽澗東西累年會遇於茲談笑依然別未  
數旬遽歸九泉孰爲福善殲此仁賢官守所羈祖奠無  
緣寄誠薄醑有恨何言其推服如此定全唐文

續修廬州府志

卷二十七 名宦傳二

旌善勸能仍兼中憲可廬州刺史白居易長慶集

盧潘大中間爲廬州刺史畱心地方利弊博學洽聞嘗

言事必法古作廬江四辨明隆慶志輿地紀勝

鄭縈字蘊武及進士第歷監察御史擢左司郎中因竄

甚丐補廬州刺史黃巢掠淮南縈移檄請無犯州境巢

笑爲歛兵州獨完僖宗嘉之賜緋魚歲滿去贏錢千緡

藏州庫後它盜至終不犯鄭使君錢唐書

五代

馬仁裕字德寬北平王燧之後遇亂徙居彭城仁裕母  
方娠夢人謂曰北平來歸及生有紫氣滿庭數歲學兵  
書若成誦然初給使烈祖左右小心敏幹署右職烈祖

移鎮潤州仁裕監蒜山渡首聞朱瑾之亂馳白烈祖以  
功拜左領軍將軍烈祖受禪遷潤州節度使明年移鎮  
廬州爲理寬簡吏民便之

馬令南唐書

閻居常給事中金紫檢校司空充廬州節度副使其制  
云勅王者推念舊之心申優賢之旨官序出處從其所  
安諒不可滯於一方也某官閻居常執心沖粹爲學精  
博修賢人之業多長者之言粵予纂承實重舊得俾掌  
駿議直於瑣闥而無妄之疾未痊貞退之請彌切重違  
誠願抑此朝恩俾佐藩方式便頤養金印紫綬邦土憲  
司併申寵光以示優渥陟明之典當俟有瘳

欽定全唐文

盧博廬州刺史其除官制云勅夫立人伯長此周文王

續修廬州府志

卷二十七

名宦傳二

三

所以敬事上帝也况廬江五城地環千里口眾賦重豈  
可輕授朝議郎守尙書刑部郎中上柱國賜緋魚袋盧  
博以文學策名才能入仕周歷臺閣嘗宰繁劇鬱有佳  
譽兼報善政今者出郎官之帳懸太守之章言於清時  
不爲不遇上有命則違之上有好則效之此乃成王命  
君陳之言也故行令不如行化律人不如律身念茲二  
者可長人矣無忝分寄爾其勉之可使持節廬州諸軍  
事守廬州刺史散官勳賜如故

欽定全唐文

宋

刁衍字元賓昇州人知光州就改虞部員外郎轉運使  
狀其政績優詔嘉獎徙知廬州以純澹夷雅知名於時

交道敦篤士大夫多推重之宋史

楊日嚴字垂訓河南人進士及第出知襄州徙廬鄆二

州宋史

劉綜字居正河中虞鄉人雍熙二年舉進士第祥符七  
年知廬州綜強敏有吏才所至抑挫豪右振舉文法時

稱幹治宋史

陳堯佐字希元閬中人進士及第知壽州徙廬州以父  
疾請提點開封府略事後為兩浙轉運使累遷尙書吏  
部侍郎罷知永興軍改知廬州既而拜同中書門下事  
集賢殿大學士以太子太師致仕卒贈司空兼侍中謚  
文惠堯佐工為二韻詩性儉約見動物必戒左右勿殺

續修廬州府志 卷二十七 名宦傳二

三

器服壞輒補之曰無使不全見棄也宋史堯佐在真宗朝

嘗三守廬州郡署舊有三至堂即其所建明隆慶志

劉筠字子儀大名人舉進士真宗朝為翰林學士嘗草

丁謂李迪罷相制既而謂復畱命筠草制筠不奉詔謂

擅權筠請補外以右諫議大夫知廬州仁宗即位為龍

圖閣直學士筠素愛廬江遂築室城中構閣藏前後所

賜御書飛白曰真宗聖文秘奉之閣再知廬州營冢墓

作棺自為銘刻之既病徙居書閣卒筠遇事明達而所

治尙簡嚴包拯合肥人嘗知廬州鄉郡少時頗為筠所

知及拯顯奏以其族子為之後宋史

馮京字當世江夏人少雋邁不羣舉進士自鄉舉禮部



以至廷試皆第一哲宗時拜太子少師致仕卒贈司徒謚文簡其爲郡守諸縣公事至卽厯究之苟與縣牘合而處斷麗於法者呼法吏決罪不以付獄報下捷疾一無壅滯人服其敏云

宋史

陳希亮字公弼其先京兆人遷眉州青神之東山天聖八年進士第仁宗朝知廬州虎翼軍士屯壽春者以謀反誅遷其餘不反者數百人於廬皆自疑不安一日有竊入府舍將爲不利希亮笑曰此必醉耳貸而流之盡以其餘給左右使令且以守倉庫眾皆感激誓爲希亮死

宋史

張田字公載澶淵人登進士第知湖州徙廬州治有善

續修廬州府志

卷二十七 名宦傳二

三

迹

宋史

呂公孺字稚卿壽州人夷簡季子判吏部南曹占對詳敏仁宗以爲可用知澤潁廬常四州以廉儉聞

宋史

傅堯俞字欽之鄆州須城人十歲能文登第猶未冠英宗時爲侍御史出知和州神宗卽位徙知廬州司馬光嘗謂河南邵雍曰欽之清而不耀直而不激勇而不能溫是爲難爾

宋史

王質字子野大名人神宗朝知廬州盜殺其徒並質而遁捕得之質論盜死大理謂法不當死質曰盜殺其徒自首者原之所以疑懷其黨且許之自新乃法意也今殺人取貲而捕獲乃欲貸之豈法意乎疏上不報

宋史

朱服字行中湖州烏程人熙甯進士甲科以直龍圖閣知潤州徙泉婺甯廬壽五州廬人飢守便宜振護全活十餘萬口明年大疫又課醫持善藥分拯之賴以安者

甚眾宋史

陳軒字元輿建陽人進士第二以龍圖閣待制知廬州力陳青苗貽害願以清淨爲治宋史

龔原字深之遂昌人哲宗時寶文閣待制知廬州陳瓘擊蔡京原與瓘善或謂原實使之遂奪職居和州宋史

翟汝文字公巽潤州丹陽人性剛直由吏部侍郎出知廬州徙密州宋史

呂頤浩字元直登進士第以李清臣薦爲邠州教授建

續修廬州府志 卷二十七 名宦傳二 五

炎二年拜同簽書樞密院事江淮兩浙制置使四年除江東安撫制置大使兼知池州詔以淮南民未復業須威望大臣措置以頤浩兼宣撫領壽春府滁廬和州無爲軍招降趙延壽於分甯得其精銳五千分隸諸將上將還臨安除少傅鎮南定江軍節度使江東安撫制置大使卒贈太師封秦國公諡忠穆宋史

胡舜陟字汝明績溪人登大觀三年進士第高宗卽位除集英殿修撰知廬州時淮西盜賊充斥廬人震恐日具舟楫爲南渡計舜陟至修城池治戰具眾心始安龔州雲騎卒孫琪聚兵爲盜號一海蝦至廬舜陟伏兵邀擊得其輜重而歸濟南僧劉文舜聚黨萬餘保舒州舜

陟招降之張遇至梁縣舜陟毀竹里橋伏兵敗之自軍興後淮西八郡無全城舜陟守廬二年百姓安堵改知臨安府遷廬壽鎮撫使改淮西安撫使至廬州潰兵王金與其徒來降舜陟散財發粟流民漸歸宋史

陳規字元則安邛人高宗初年以龍圖閣直學士出知廬州尋召赴行在改守順昌與劉錡同破兀朮兵遷樞密直學士再知廬州兼淮西安撫使卒於官宋史

趙康直紹興乙巳鄴瓊叛太守趙康直死之統制官張璟喬仲福以不從亂被害於無爲州治後立祠以祀之張祁詩云偉哉張與喬忠烈激偏裨輿地紀勝

趙善俊字俊臣太宗七世孫紹興三十七年大府事丞

尋攝帥知廬州會歲旱江浙饑民麋至善俊括郡內官田均給之貸牛種僦屋以居死者給禧人至如歸州城舊毀於兵葺完之因言異時待焦湖以通饋餉今既湮涸宜募鄉兵保孤嫠二山治屋以儲粟則城守有餘餉道無阻矣增築學舍新包拯祠春秋祀之再知廬州復芍陂七門堰免責屬邑坊塲河渡羨錢百姓德之宋史宇文紹節字挺臣成都廣都人由進士遷寶謨閣待制知廬州時侂冑方議用兵紹節至郡議修築古城剏造砦柵專爲固圉計嘉定六年正月卒進資政殿學士宋史王希呂字仲行宿州人乾道六年登進士科出知廬州淳熙二年淮右擇帥上以希呂已試有功令知廬州兼

安撫使修葺城守安集流散兵民賴之宋史

趙善湘字清臣濮安懿王五世孫慶元二年進士判無

爲軍十一年知無爲軍進直徽猷閣主管淮南制置司

司事兼知廬州兼本路安撫宋史

翟朝宗字叔海開封人嘉定壬午以殿前諸軍都統制

兼知廬州下車卽議修學出前趙許二帥所捐金益以

戎司之帑營宮廟遷稽古閣於直廬後阮覲碑記稱朝

宗於戎務倥偬之時規模志慮特爲宏遠康熙志

薛叔似字象先其先河東人後徙永嘉知廬州窮道德

性命之旨談天文地理鐘律象數之學有稿二十卷宋史

杜庶字康侯杲子幼有大志性剛勁通宋典故善爲文

續修廬州府志 卷二十七 名宦傳二 七

從父兵間習邊事未入仕已立戰功明堂恩補官尋兼

淮西提點刑獄浚城濠增守備修學宮知真州兼淮東

提點刑獄踰年進直秘閣移淮西兼廬州安撫副使人

歡迎如見慈父治績甚多宋史

王亨廬州守劉豫遣將王世冲以蕃漢兵攻廬州亨誘

斬世冲大敗其眾宋史

元

塔海漢卿兄子也武宗卽位歷和甯路總管後改廬州

時有飛蝗北來民患之海禱於天蝗乃引去亦有墮水

死者人以爲異民乏食開廩減直俾民糴之所活甚眾

元史

恩克圖至元中鎮廬州以私財築室一百二十餘間以居軍士之貧者事聞特命升其秩一統志

郝彬信安人世祖時同知淮西道宣慰使事覈戶版理

屯田諸廢修舉江淮財賦總管府掌東宮田賦其官屬

皆從詹事院奉授不隸中書往往為姦利誅求無厭彬

為總管入見請受憲司糾察以革私弊罷所隸六提舉

司以蘇民瘼從之一統志

明

呂文燧字用明永康人太祖召為營田司經歷中書省

管勾江西行省都事權知廬州府刻孝經集注於學宮

以治行稱明史到任三月改嘉興知府康熙志

續修廬州府志 卷二十七 名宦傳二 三

蘇敏昌平州人洪武初任廬州推官刑政不苛進知府

蒞任入載境內肅然卒於官百姓流涕郡內每頌良吏

必曰蘇太守明隆慶志

揭稽字孟哲廣昌人宣德十年以御史出知廬州剛正

明決興革悉中矩度先是永樂中遷齊藩於廬州王素

驕衛士攫奪民物為郡害稽力奏移之建康民乃甯明隆

慶志江南通志

王凱句容人由廬州衛司戶參軍積功至都指揮同知

英宗登極進都督同知凱性剛毅饒知畧馭眾嚴而有

恩明史

衛宗孟浙江鄞縣人國子生正統五年以刑部郎陞知

府操履剛方用法仁恕民多懷之明隆慶志

史濡字景澤山西霍州人登乙科行在江西道御史正

統十三年進知廬州府操潔政平多所創葺合肥儒學

湫隘市地展拓至今稱壯麗焉明隆慶志

朱鏞字廷用浙江仁和人登進士天順八年工部郎中

陞知廬州莅民多善政文章政事並為當時稱許歷兩

考進廣東參政明隆慶志

李崙字世瞻陝西臨潼人登進士成化十九年以部郎

陞知廬州府清廉簡靜首崇學校蝗不入境立俵馬法

定鹽鈔價廣儲積城內久安九年進參政河南山東俱

未任家貧行不能治裝卒無以歛地方上其事得殊典

續修廬州府志 卷二十七 名宦傳二 无

命有司月給米一石贍其妻子郡人聞之流涕明隆慶志

統志作 戚甯人

馬金字汝礪四川西充人初授廬州府通判進同知再

進知府歷任久盡去宿蠹建余忠宣公祠創景賢書院

修郡庠尊經閣購書藏之百廢具舉府治為之一新任

滿擢陝西參政明隆慶志

楊璲字廷佩原武人正德中以兵部郎知廬州府時劉

瑾專政境內有巨惡張杲瑞張龍兄也璲發其姦撲殺

之庫吏循故事以羨餘百金獻璲曰盜官錢者法當遣

速令歸之庫明隆慶志

龍誥字孔錫攸縣人正德中知廬州府嘉靖癸未大旱

開廩設粥平糶建惠民倉鎮淮樓俾力役者藉以給食  
所活數萬道死者設義塚瘞之明隆慶志

陳桓字德威政和人嘉靖乙酉以戶部郎陞知廬州府  
沈雅恬逸卽當煩劇亦不動聲色大禔之後尤多裨補

遷九江兵憲去行李蕭然明隆慶志

周瑯字光載蘄水人由刑科都給事中出知廬州府才  
識淵敏以廉平著聲日與文士相砥礪操行近古者尤

器重之有韻侗集刻於廬遷廣東督學副使明隆慶志

王鴻漸字德懋南陽人舉鄉試第一嘉靖癸未進士以  
大理寺正陞知廬州府寬厚和平士民戴德以才名調

蘇州歷布政使明隆慶志

續修廬州府志 卷二十七 名宦傳二 三

項喬字遷之永嘉人以郎中陞知廬州府政宗大體重

士近民作賦役冊懲盜印吏羣小畏服明隆慶志

吳嶽字汝喬汶上人嘉靖十一年進士授戶部主事出

知廬州府稅課歲萬金例輸府嶽以代郵傳費西山薪

故供官爨嶽弛以利民以憂去服除改保定治如廬州

以清靜得民明史

張瀚字子文仁和人嘉靖間守廬州州西關故有濠源

出李陵雞鳴諸山雨潦則病涉瀚跨濠爲橋啟水關故

隄縱流入城市以東注水不奔溢民賴以濟歲祲發粟

賑飢嚴禁糴販數讞大獄多所平反著有疏議十卷

奚囊蠶餘藁藏公署歷吏部尙書明隆慶志

張萬紀字舜卿臨洮人篤學有文官禮科給事中時河間守尹耕黨嚴氏苛政虐民劾而置之法嚴因出萬紀為廬州知府未幾中以他事去人盡惜之

明隆慶志

屠仲律字宗豫嘉興人嘉靖庚申以南御史出知廬州

府請於吏治而愛民尤切歲歉罄囊代輸秋稅不復徵

補會疾作百姓願以身代竟卒於官民肖像祀之

明隆慶志

呂鳴珂字聲甫麗水人以刑部郎中陞知廬州府深沈

練達為政不尚聲色而案無停牘民歲苦里役乃規畫

經費盡除科擾裁省驛傳冗黷至今稱便興學重儒改

藝泮池與州邑長吏而議可否不為苟同尋以憂去

明隆

慶志

續修廬州府志

卷二十七

名宦傳二

三

陳懋觀長樂人任給事中抗疏謫改南吏部郎出知廬

州府廉明仁愛推誠與人毋敢交以私遇士有禮嘗曰

每見諸生暴階下心即不安斷獄不輕入人罪俗喪禮

故用樂下令禁之戊辰覲還涉淮舟覆不死人謂天庇

明隆慶志

張大忠字國禎浙江進士刑部郎中陞知廬州府英斷

有才雅重學校積穀備荒藥局四設饑者疫者全活甚

眾廉訪諸屬賢不肖悉得其實吏治肅然去之日父老

攀轅盈街遍野立去思碑生祠肖像

明隆慶志

王俸字廉父秀水人萬曆間知廬州府剔蠹息民歲大

旱手稿禾流涕禱於神且拜且行正酷烈間雷雨忽作



俸淋漓雨中

明崇禎志

范以淑字自魯南昌人知廬州府愛良民若子疾狡吏若仇民之以訟待決者旦陳夕鞠入鍰者計無一二勤於課事立奎樓以培文運疾卒士民多有哭之者

明崇禎志

馮聖世字葵旭四川合江人知廬州府下車見府學傾頽卽修葺一新集師儒講學於中爲政不事摘發而奸

宄自戢

明崇禎志

賈克忠字獻我陝西進士繼馮聖世守廬郡於府學後復建尊經閣巍然偉觀馮守之志於是克成焉

明崇禎志

劉應召字鳳銜天啟中以刑部郎陞知廬州府治尙嚴明守藏吏與諸奸胥前後乾沒藏金累數十緡廉得共

續修廬州府志

卷二十七

名宦傳二

三

狀論如法諸曹掾史十汰其七宿猶舞文者亦以脫事左右爲幸郡東有豪民以氣力漁食閭里立逮治之惡黨不寒而栗勢右無敢以苞苴竿牘因緣爲私遇士嚴而有禮捐金措鍰修郡學垣垣是科士之得雋者倍焉

明崇禎志

嚴爾珪浙江進士崇禎四年知廬州府才識敏達雅重斯文以姥山峙巢湖之口爲一郡文風所關特捐貲建塔其上重纂府志迄今文獻得以有徵

康熙志

吳大朴河南進士初令無錫奉檄毀東林書院稱上旨得遷乙亥春賊薄城下以知府守東門下有關通濠賊潛穴其腹燎柵柵幾穿急堵之北關守者驅市人出戰

爲賊所殪賊登陴壓城大朴督義勇發大礮衝敵礮不  
颺指揮田某嚙指血祭之轟震斃其魁縱火燒城外民  
居之爲賊窟者時烟燄乘風蔽人面大朴拜顙卽反風  
因匾其樓曰迴風樓一夕撼西陴甚急密令爲傀儡如  
漢壽亭侯像賊驚以爲神避去起礮樓臨濠東石牯賊  
不敢掘今所謂濠壩是也時多奸細頗以殺戮爲威然  
守廬五載功不可泯病急聞城頭柝聲稍懈卽遣家丁  
嚴諭之竟卒於官

康熙志

大朴知廬州練達有文武才一

續修廬州府志

卷二十七

名宦傳二

三

善守城者大朴爲最

江南通志

朱廷煥山東進士知府政仁厚二載以憂去士民遮道

康熙志

張亮四川人舉於鄉崇禎時安廬兵備監禁軍討賊頗  
有功左夢庚陷安廬亮被執乘間赴水死

明史

喻南嶽字極夫新建人進士遷廬州知府新安人挾重  
貲游無爲州州人某利其有拉殺之而匿其屍事已半  
載南嶽坐堂上問左右曰階之下披髮短裳而水淋漓  
者誰耶左右無對嶽曰若有寃第爲若理卽沐浴禱於  
城隍神明日呼左右一人來授以名居令往捕之一訊

輒服

江西通志

國朝

趙允光大興人順治初知廬州府時兵燹之餘流亡未

復允光招徠撫字輕徭均賦民獲其利無為巢縣聞有

頑民聚黨為患允光捕之悉獲其魁

江南通志

吳允昇字賓廷三韓人九年任知府寡欲省刑民多被

澤時連歲旱飢設法賑貸全活者眾捐貲鼎繕學宮崇

重文教士民立祠祀之

江南通志

王業興字鳴石奉天人順治中知廬州府值海氛逼境

業興親率家丁及營卒登陴捍禦屢挫賊鋒州得無事

治郡十三年勸課農桑減省刑獄民咸德之又出俸錢

建斗文書院聚諸生肄學其中後遷荆南巡道

一統志江南

續修廬州府志 卷二十七 名宦傳二

三

通志

聶源字天水直隸舉人知廬州政簡刑清惠均士庶時

值大兵駐郡芻糗不供源殫心籌畫閭閻賴以無擾未

幾引年乞休遠近餞送刻有卧轍詩集

康熙志

薛之佐號鶴齋四川蒼溪舉人康熙間以部郎出守廬

州會歲旱設法賑飢全活億萬倡捐義倉設立城鄉各

處勸民樂輸出入納筭鑰擇公正鄉約司之弗經胥吏之

手饑饉有備賴以存活者甚眾開金斗河修學校多教

養善政士民德之祀於名宦

府案舊志

張純修號敬齋奉天正白旗人康熙三十一年以揚州

府同知卓異陞知廬州興學育才創建橫渠書院以課

士刻有樂豐堂課士集復頒發孝經小學近思錄諸書於學宮編修郡志建義學創育嬰堂禁吏胥包攬革里長派累善政尤多以疾卒官士民思之

府案舊志

徐大枚號梅麓奉天正藍旗人戊戌進士雍正六年以太原府同知陞廬州居心仁厚聽斷公平修葺學宮試院疏濬河渠興修水利擢蘇州兵備道去子文燦乾隆間以兵馬司指揮陞廬州通判後以海門廳同知署廬州府創修奎樓文昌閣暨廣益局服官多善政去任後郡人爲立遺愛祠

府案舊志

蔡長灃號巨源福建漳浦人貢生乾隆十四年調知廬州興修書院增置田租以養士清釐案牘無十日不結

續修廬州府志

卷二十七

名宦傳二

三

者

府案舊志

趙瓚奉天進士乾隆十五年任廬州府捐俸倡修郡學添置廬院田租以充經費增建講堂齋舍二十餘楹購經史諸書貯其中俾諸生朝夕誦習重建鎮淮樓在任多所興革士民懷之

府案舊志

王宸江蘇鎮洋人進士乾隆二十二年任廬州府治尙大體不事苛求守廬十餘載政簡刑清修廢舉隆常言居官以御下爲要第使官與民無蔽隔則弊自除而郡自治矣修築城垣加以雉堞煥然一新又建魁樓葺學宮修淝津牖創廣益局造演武廳以訓練武備善政多可紀者

府案舊志

張祥雲字鞠園福建晉江人由進士官刑部郎中明習  
法令官廬州時同官左輔杏莊宰合肥周石苔權通判  
湯貞愍貽汾攝都司黃小迂騰驤揚挹峯懌鑿汪東廷  
繼序爲校官皆一時名宿公事之暇相與登者閣泛巢  
湖詩酒流連聲譽大起以志乘久缺聘陽湖孫星衍書  
成付刊是爲後張志廬陽文獻賴以不墜以卓異擢皖  
南兵備道繼之者壺關申南村瑤無錫薛畫水玉堂皆  
以名進士典郡風流儒雅卓著賢聲合肥縣志  
錢有序號恕堂嘉興人生長世族能詩文治郡五年民  
安歲稔訟庭草生賓禮賢士常如不及屬吏劉珊朱錦  
琮皆文人公暇常過從爲譚藝讀畫之會邦人稱之陸

續修廬州府志

卷二十七

名宦傳二

三

輅文  
集

劉耀椿字莊年山東安邱人庚辰進士由六安調署廬  
州遇公事能持大體吏治民瘼直言無諱繼之者爲南  
豐劉養雲煜實心任事恥事粉飾時有二劉之稱合肥縣志  
栗烜字春坪山西渾源州人河督恭勤公長子由廩貢  
蔭部郎出典廬郡恂恂儒雅恪守典章尤以培養學校  
爲先務捐俸增修廬陽書院月課士子盡心校閱一時  
成就者多知名士後以艱歸攀轅者塞路合肥縣志  
金光筭字廉石又作濂石直隸天津人監生道光二十六年  
署定遠知縣擒治西鄉械鬪匪首三十年補建平咸豐  
元年再調定遠二年升壽州知州戢暴安良循聲卓著

三年髮賊擾皖土匪乘機蠢動光筋手刃數人亂乃定  
募勇千餘修城儲糧行保甲備軍械守禦完整威名大  
振擢廬州知府搜捕伏莽鎮輯兵民以道員記名按察  
使銜鏗色巴圖魯署廬鳳潁道七年擒逆犯霍邱偏正  
陽光筋率眾追擊之移壽州與髮逆陳玉城接戰七晝  
夜力守危城圍解後進攻正陽在沫河口督隊連踏賊  
壘渡河擊賊骸受矛傷舟覆死之奉

旨照布政使陣亡例賜卹並准於壽州建立專祠

賜諡剛愍給騎都尉世職十年袁甲三等奏奉

俞旨准於天津縣建專祠隨同陣亡之勇目呂祥邱章貴黃悅

祁祝祁和周洪姚山等附祀並給予光筋祖吳祖母胡

續修廬州府志

卷二十七

名宦傳二

三

氏父銘母田氏二品封典同治元年二月

上諭查明忠良死節之臣再賜祭一壇七年七月

上諭擒匪全股蕩平加恩賜祭一壇用慰忠魂

壽州志  
奏咨各案

唐景皋字鶴九湖南臨武人道光己酉舉人同治元年

署廬州府知府時兵燹初復民氣未靖景皋以振興文

教爲已任適奉署兩江總督李鴻章檄重修府學文廟

會同紳士計日觀成又清理廬陽書院經費生徒復業

士林頌之

采訪  
冊

馮志沂字魯川山西代州進士由刑部主事洊升郎中

咸豐十一年授廬州府知府勝保奏調隨營剿擒有功

加道銜同治三年唐訓方調辦文案旋赴本任招集流

亡撫綏教養禮賢課士謝絕餽遺清操自勵深爲曾國藩所器重累署鳳嶺六泗道安徽按察使補徽甯池太廣道皆以清靜爲治六年卒官著有微尚齋詩文集

贈光祿寺卿銜廕子知縣如軍營立功後病故例

奏案 合肥縣志

周金章字裁五江蘇荆溪人由附貢生從軍泗州襄理文案隨節蒙亳郟宿間積功保知府同治十年署廬州府事時當兵燹後倉儲久虛金章持議積穀普勸紳士先捐千石爲之倡紳富從風公事以集至今倉有存穀又憫貧民冬寒捐廉製棉衣普給至千餘件其仁政及物如此旋以道員在直隸候補辦畿南團練邁疾卒

冊

采訪

續修廬州府志

卷二十七 名宦傳二

三

沈斌字雲樵廣東南海人進士由郎中外任廬州知府清慎有守同治七年修建督學試院收五屬畝捐以資經費綜核節用計日告竣禮待士子尤有德意在任頗

著賢聲

采訪 冊

李炳濤字秋槎河南河內人附生爲人剛方有執勇於任事以軍功保知縣權蒙城有惠政爲直督李鴻章所知薦其才擢署亳州亦有能名同治十年授廬州知府勤慎從公惠士獎孝會郡屬告災承領賑欸以工代賑開濬西門河道直至施口水利旣通民亦得食又集資重修府署嚴治匪棍不少貸禁煙賭娼寮尤嚴嫉惡切摯有犯必懲奸民斂跡在任五年循聲卓著以憂去官

江督沈葆楨久賢之畱襄營務任以皖南保甲事在甯國差次積勞成疾卒之日賴賻助其喪歸

漢以下府屬

采訪冊

劉敞城陽恭王社之後元帝以劉敞有義行拜廬江都尉敞臨廬江歲餘遭旱行縣人持枯稻自言稻皆枯吏強責租敞應曰太守事也載枯稻至太守所酒數行以語太守太守曰無有敞以枯稻示之太守曰都尉事也敞怒叱太守曰鼠子何敢爾刺史舉奏莽徵到長安免就國

漢書城陽恭王傳東觀漢記

宋

何蒙字叔昭洪州人南唐時署錄事參軍後入宋太宗

續修廬州府志

卷二十七

名宦傳二

三

授右贊善善大夫三遷至水部員外郎通判廬州時郡中火燔廨舍摧務俱盡蒙假民器貸鄰郡麴米為酒既而課增倍戶部使上其狀詔貸緡錢獎之稍遷司門巡撫使潘慎修薦其材敏驛召至京因面對訪以江淮茶法蒙條奏利害稱旨賜緡魚及錢十萬後二日復對又上淮南酒權便宜特改庫部後賜錢二十萬因命至淮右提總其事自是歲有美利真宗即位上言請開淮南鹽禁時卜袞楊允恭輩方以禁鹽為便共排抑之出知梧州改水部郎中上所著兵機要類十卷

宋史

蘇京字世美通判有善政去之日士民遮畱罷市

明隆慶志

張奎英宗時以御史判廬州兼知合肥縣事持身守法



風力精強所至有治迹吏不敢欺與兄亢皆知名一時

康熙志

元 拜住蒙古人紇烈氏至元初任總管府同知在郡五年

修包公祠增廣弟子員惠利及人葛聞孫為文記其政

績按碑言公之伯氏故江西行省左丞都思鐵睦公當

延祐至治間常長是邦有惠政公復接武兄弟皆良吏

云 明隆慶志

明

姚善字克一安陸人初姓李洪武中由鄉舉同知廬州

善為政持大體不為苛細訟遂衰息 明史

續修廬州府志 卷二十七 名宦傳二 四

曹樾通州涪縣人永樂八年任廬州府同知臨政不苛

能以貞白自持考滿擢甘肅苑馬寺少卿 明隆慶志

敖文瑞吳橋人登乙科先任兗州府同知晉鹽運同知

自陳仍舊官改同知廬州事廉明剛正在任數年清白

如一日 明隆慶志

段續字紹先陝西蘭州人登進士由御史左遷知杞縣

陞廬州同知清肅公正胥吏懾服士民戴之 明隆慶志

郭鳳儀字舜符河南祥符人登進士第乞歸養家居十

一年終養後任廬州同知政尚清簡公餘書帙不釋手

陞湖州知府子舉南宮報至即拂衣歸 明隆慶志

蔡克廉字道卿福建晉江人登進士授刑部主事左遷

廣德州同改廬州郡丞質粹才清佐郡優裕政暇進諸生商訂披露衷臆後官中丞撫淮甸凡廬之故舊猶存問不遺進南戶部尙書明隆慶志

白希珩字汝佩山西甯鄉人隆慶進士任廬州同知剛直清介在廬三年民畏而懷之遷南戶部郎中明崇禎志

孫化龍字時際直隸獲鹿人同知管無為江防事悉心經理百務俱親編立保甲置巡江哨船至今營汛定規皆其所設也終山西按察使明崇禎志

賈熙載直隸雞澤人舉人以同知管無為江防清真簡素靜以制紛春秋閱伍兵哨無不悚服盜賊斂跡兩署

州篆秋毫無取以錢糧羨銀助修儒學尊經閣在任六

續修廬州府志 卷二十七 名宦傳二 聖

年威行仁治士民為立生祠於治北門明崇禎志以上同知

謝牧安福人登進士初任黔江縣知縣正統十三年遷廬州通判心慈德厚去後猶有餘思明隆慶志

陳令字汝申龍溪人登乙科嘉靖壬辰任廬州通判優瞻文學志操端簡民德之如戴慈母竟以公廉忤時改

斷事去明隆慶志

陳俎字少志江西封邱人任廬州通判平恕清約喪偶不再娶官署蕭然後陞泉州知府明隆慶志

張元諭字伯啟浙江江浦人登進士以工部郎中謫廬州通判氣稟剛勁學有淵源居官惟閉門讀書日課諸

生為務吏治不擾公庭肅然明隆慶志

趙興基雲南太和人崇禎初以舉人通判廬州十五年  
張獻忠陷舒城游騎日抵廬州城下興基與知府鄭履  
祥經歷鄭元綬合肥知縣潘登貴指揮同知趙之璞里  
居叅政陳楷分門守五月提學御史徐之垣以試士至  
獻忠遣其徒偽爲諸生襲儒冠以入夜半舉礮城中大  
擾興基時守水西門聞變挺刃下戍樓與鬪斬數人被  
創死元綬亦鬪死楷不屈死之璞巷戰死漕督史可法  
以聞贈興基河南僉事楷光祿卿元綬亦贈卹明史以上通判

計澄江西浮梁人登進士監察御史改廬州推官清介  
自持獄多平反郡中稱平遷大理知府歷廣西按察使

續修廬州府志

卷二十七

名宦傳二

聖

明隆慶志

胡奎字應文嘉靖辛巳進士庚寅授廬州推官議刑無  
失入註誤者多爲辨脫舉人盛鳳爲仇惡構陷奎直之  
乃得不寃官至右副都御史明隆慶志

陳儒字汝宗錦衣衛籍進士以布政改謫任畱心民瘼  
綽有政聲歷官戶部侍郎明隆慶志

簡文瑞四川進士推官廉平敏察勸學重文分校南闈  
所錄皆名士忠節狀元劉若宰其門人也康熙志以上推官

江沛然字涵齋黃岡人以給事中謫官經歷署廬江縣  
事積弊之後力爲振刷廉渠奸寘之法一境肅然明崇禎志

鄭元綬浙江人任經歷流賊至分守南薰門一日賊毀

民居作雲梯數十爲攻具鄭見之曰梯高於城勢必破  
不如出戰於是率城中義勇三百餘人揚旌擣鼓而出  
賊爲披靡五月城潰迎戰被創不屈死

康熙志

國朝

沈錫慶溧陽人安徽候補縣丞咸豐八年署廬州府經  
歷帶勇隨同官軍守城城陷殉難

通志補遺  
以上經歷

